

Radunanza extraordinaria dals 12 avrigl 2017 a las 20.00
in l'Alvetern ad Ardez

1. Il president, Daniel Franziscus salüda a 29 preschaints, 4 s'han s-chüsats.
2. Gian Luca Strimer ed Emil Stecher vegnan elet sco scrutinadurs.
3. Il protocol da la radunanza extraordinaria dal 2016 vain prelet ed approvà da la radunanza.
4. Seraina quinta chi haja dat discussiuns pervi da la cuntribuziun dals commembers libers. Tenor ils statüts, revais dal 2014, saja pero cler cha commembers libers pajan sur la società la cuntribuziun da 10 francs per l'implant da tir e la cuntribuziun per l'abunamaint dal chatschader grischun. Da tschels pajamaints sajan els deliberats. La radunanaza decida cun üna cuntravusch da restar pro la cuntribuziun sco i'ls statüts.
5. Armon orientescha davart üna sezzüda d'her saira tanter las 5 societats da chatscha i'l perimeter dal cumün fusiunà da Scuol. Pels 27 da mai es previs üna festa da fusiun ingio cha tuot las societats han la pussibilità da's preschantar. In la sezzüda manzunada survart s'ha cristalisà cha las 5 societats as lessan preschantar cumünaivelmaing uschè chi's vess a disposiziun daplü lö. I'l center dess star la chatscha cun sia lavur da chüra e protecziun da la natüra. La radunanaza sustegna unanimamaing la proposta preschantada d'Armon. Claudio, Men, Rico, Marcel, Not ed Armon as mettan a disposiziun per las lavurs chi'ns spettan in quist regard.
6. Lüzza Thom vain onurà in assenza sco veteran. Jannik Strimer e Men Duri Gaudenz han fat l'examen da chatscha cun success e dvaintan cun ün applaus commembers A da nossa secziun. Tino Andry sorta per subit da nossa società.
7. Las propostas da la suprastanza schlargiada a man da la delegiada Cazis:
 - la radunanza es pro'l punct 9.1 per la varianta duos
 - la radunanza sustegna cun gronda majorità il punct 9.2
 - la radunanza sustegna cleramaing il punct 9.3
 - la radunanaza sustegna eir ils puncts 7/8 e las elecziuns 10/11
8. Sco delegiats per la delegiada dals 13 mai a Cazis as mettan a disposiziun Mirco Hännny ed Armon Schlegel. In l'hotel Weisskreuz a Tusan saja reservada üna stanza.
9. Daniel orientescha davart il „reglamaint davart las contribuziuns per la cultura e las societats“. Per pudair nüzchar talas cuntribuziuns as stessa spordscher acziuns publicas. Quai vaina pero be sporadicamaing. Perquai füssa da s'annunzchar per talas cuntribuziuns schi's ha in vista talas occurrenzas.
10. Armon skiza be cuort duos pussiblas sportas per ün viadi da società. Üna füss üna spassegiada i'l Parc Naziunal, tschella ün viadi il Brünig Indoor per trar cul schluppet. La radunanza decida per üna spassegiada i'l Parc Naziunal. Marcus ed Armon dessan tour per mans l'organisaziun.
11. Mario preschainta il program da lavur. Als 10 gün es ün di da lavur cumüna cun la scoula d'Ardez. Inscunter a las 8:00 sün plazza da scoula. Als 22 da gün ir a sgiar, inscunter a las 8:00 pro'l magazin forestal d'Ardez. Als 5 avuost sgiar a Lavin, inscunter a las 8:00 sün Piazza Gronda a Lavin. Annunzchas dessan entrar pro Mario fin il plü tard trais dis ouravant pro Mario.

Il preventiv ed il rendaquint da chüra sajan gnüts fats buns.
Mario vain amo cun ulteriurs termins. Ün es als 7 da gün a Cunter. Ün di d'infuormaziun per chürar saivas vivas. Tschel termin es als 10 gün a Landquart. Ün di da perfecziunamaint per chatschaders cul tema: „Luf, tshiervi e chüra.“

Mario Preschainta ün proget da Jagd Schweiz chi ha publichà ün premi per lavurs extraordinarias da chüra. La radunanza es pronta da sustgnair eventuals progets chi gnissan in dumonda pel premi. Heinz, Flurin, Not, Claudio, Mario, Guolf, Emil, Reto, Jachen, Mirco e Seraina as mettan a disposiziun per ellavurar ün tal proget.

Mario riva üna nouva tematica na tractandada, la punctaziun da cornas.

Concretamaing vaja pels tschiervis da la chatscha da reducziun e la punctaziun. Quai pervi cha quist on d'eira seis taur pertoc e ch'el haja gnü da dudir tscherts commentaris pervi cha seis taur saja gnü punctà malgrà ch'el d'eira da la chatscha da reducziun. El haja fat retscherchas e chattà reglamaints dal 1996 chi nu prevezzan da punctar tschiervis da la chatscha da reducziun pero chi nu saja adüna gnü fat tenor quist reglamaint. La discussiun vain pero interruotta davo singuls votums pervi cha'l tema nu saja tractandà. La suprastanza haja pero la libertà d'ellavurar novs reglamaints e da tils suotametter a la radunanaza.

12. Emil Kuen preschianta a man da graficas infuormativas las cifras da la chatscha.

13. Guolf Denoth tegna ün referat captivont davart tuns mortals infra secundas e tuns main buns. Üna da las quintesenzas es cha'l 10er sün la schaubgia ufficiaa es segnà massa inavo in la bes-cha. Voul dir cha'ls melder tuns füssan davo la trapartida. Guolf muossa eir graficamaing la differenza da la muniziun cun e sainza plom per las retscherchas. La quintessenza es chi detta eir muniziun sainza plom cun resultats similis a la muniziun cun plom. Tenor la statistica scussaglia el la muniziun Impala.

14. Suot varia less Jon savair co chi sta cun la drona per salvar usöls. Armon disch chi detta prossmamaing ün termin cun collegs dal district per far tests giò la bassa. Niculin fa attent cha'ls termins da chüra sajan adüna la sonda. Mario declera perchè. Emil Kuen tschercha chatschaders chi güdessan per ün proget da taxaziun d'urogals. Quai in connex cun ün proget dal silvicultur chi less far ün tagl aposta per adattar il vaud als bsögns da l'urogal. Plüs chatschaders s'annunzchan. Marcus ingrazcha a tuot quels commembers chi s'han sports per güdar in l'implant da tir Urezzas.

Marcus fa eir attent cha sün la charta online da las zonas da quietezza haja aint sbagls cun las datas. Guolf piglia incunter quai e less sclerir quai.

Daniel appellescha a la morala chatschadrigla, vulps na scorchadas o umblanas nu toccan pro'l ramassamaint da cadavers.

Daniel tira attent cha prossma radunanza saja eir radunanaza d'elecziuns e ch'el as retira e chi douvra lura ün president nouv.

Il president serra la radunanza a las 22.45

L'actuar: Armon Schlegel

Bos-cha als 13 avrigl 2017